

# AITITA-AMAMAK BELENGO KUMEARI ERAGITEN

*Doinua: "Maritxu, nora zoaz"*

**1**

- Ondo etorri, Jesus,  
zerutik lurrera,
- Aitarengandik nator  
zuok salbatzera.
- Zer Salbatzaile zara  
jatsirik hain behera?
- Danetan izan nahi dot  
Nik zuon antzera.

**2**

- Hain haundi zareana  
hain txiki egina!
- Gizon izatea da  
nire atsegina.
- Hau, sinistu nahi eta  
sinistu ezina!
- Bai, nire maitasunez  
beteko bazina.

**3**

- Zure zain egon gara  
hainbeste denpora
- Aitak esanda nator  
gaur zuen ondora.
- Inork hartu nahi ezta  
herritik kanpora
- Gaixo, zaharren artean  
nago Ni gustora.

**4**

- Zorionak bihotzez  
Belengo Mutiko!
- Ez al nozue zuek  
bakarrik itziko...
- Zeuk batu gaituzu ta  
jarri Zeu erdiko
- Halan izan dedila  
orain ta betiko.

**5**

- Zeu jaio zarala ta  
saltoka gizonak
- Hara zenbat gaituan  
maite Jesus onak!
- Jesusen izenean  
danoi Zorionak!
- Eta ondo ospatu  
aurtengo Gabonak!!!

**6**

- Gurean deutsugu gaur  
"jaiotza" prestatu
- Zuen artean pozik  
hartzten dot ostatu.
- Jesus, senitarte hau  
arren, bedeinkatu.
- Bakez ta pozez danok  
daigula ospatu.

**7**

- Lagun izan zenduzan  
Jose ta Maria
- Eta aingerutxoak  
talde kantaria.
- Bedeinkatu egizu  
gaurko afaria
- Zeu zara behar dogun  
gure pozkaria.

**8**

- Aintza zeru goietan  
Jainko Haundiari!
- Txalopin txalo Jesus  
jaio barriari!
- Ospe ta gora Jose  
eta Andra Mari!
- Agur ta Zorionak  
mundu guztiari!!!

**A. Martzel**